



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 118. Hastiludia in nuptiis Elisabethæ de Francia cum Philippo II.
instituta.

[urn:nbn:de:hbz:466:1-66800](https://nbn-resolving.de/urn:nbn:de:hbz:466:1-66800)

Sæcul. XVI
A C. 1559

tionis remedio sese tueri nitebatur: pro-
vocabat enim ad Senonensem Archie-
piscopum tanquam Metropolitam suum,
necnon ad Archiepiscopum Lugdunen-
sem, qui erat illius Primas: ast in utro-
que hoc tribunali sententia adversus eum
jamjam pronuntiata confirmabatur: tan-
dem vero reus ad summum quoque Pon-
tificem appellare voluit, id ei suaden-
tibus ejus amicis: quinimo reipsa quo-
que provocasset, nisi ei exprobrari timui-
set, quod bestiam adoraverit, prout Pro-
testantes pudendo ore calumniari, at-
que illos carpere solent, qui Christi Do-
mini Vicarium, ejusque auctoritatem
reverentur: Itaque hujus calumniæ
metu absterritus ad Parisiensem Episco-
pum reducitur, a quo sacerdotali digni-
tate exutus profani Judicis potestati
fuit traditus.

§. CXVIII.
*Hastiludia in nuptiis Elisabethæ de
Francia cum Philippo II. in-
stituta.*

*Spond. hoc
ann. n. 21.
Thuan. l. c.
Belcar.
comm. l. 28.
num. 31.*

Sub idem tempus in Franciæ aula cuncta
parabantur ad celebrandas nuptias
Elisabethæ natu majoris Galliarum Re-
gis filiæ, quam Albæ Dux Philippi Re-
gis nomine desponsaturus jamjam ad-
venerat: ubi initum quoque erat tunc
matri-

matrimonium inter Margaritam Henrici **Sæcul. XVI.**
 Regis sororem, & Sabaudiæ Ducem: **A.C. 1559.**
 ut igitur hæc solemnitas cum majori
 pompa haberetur, hastiludia, seu hono-
 rifica certamina, in quibus Nobiles in
 arenam descendentes suæ fortitudinis,
 ac dexteritatis specimina ederent, per
 integros tres dies institui decrevit: Ita-
 que pugnantes equo vecti concurrunt,
 muniti lanceis, ac gladiis, quorum ta-
 men cuspides, aciesque hebetatæ, atque
 obtusæ erant; quamvis ob immodera-
 tam certaminis aviditatem, vel decer-
 tantium odia non raro funesti casus eve-
 nissent; cum autem eo tempore Gallia-
 rum Reges in Palatio, quod a Turri-
 culis nomen habet, in S. Antonii vico
 prope Bastiliam arcem habitarent, ideo
 Henricus II. ibidem ab utroque hujus
 plateæ latere pro equestri hoc certamine
 sedilia disponere jussit, atque ipse met
 unacum Ferrariæ, & Guipii Ducibus
 die trigesima Junii pugnam inire voluit,
 Hispanisque spectantibus cum aulæ suæ
 Nobilibus dexteritate, ac virium robo-
 re magis conspicuis sæpius in are-
 nam descendit, eorumque ictus felici-
 ter elusit.

§. CXIX.

Rex e ruptæ hastæ ictu vulneratus.

Ea-